



UNIVERSITÄTS-
BIBLIOTHEK
PADERBORN

Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. I. Qualis vitæ probitas, & conversatio requiratur in Clericis?

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

LIBER TERTIUS.
DECRETALIUM.

TITVLVS I.

DE VITA ET HONESTATE CLERICORUM.

Nomine Clericorum absolute prolato non intelliguntur quidem in materia odiosa Episcopi, alique in dignitate Ecclesiastica constituti, aut Canonici cathedralium Ecclesiarum, vel Regulares; quia tamen hujus Tituli materia etiam, & potissimum his in dignitate Ecclesiastica constitutis, uti & Regularibus convenit, ideo etiam Rubrica hæc ad eos extendenda est, si tamen, quod de vita ac honestate Clericorum statuitur, non videatur potius materia favorabilis, quam odiosa.

§. I.

Qualis vita probitas, & conversatio requiratur in Clericis?

Statuit Concilium generale Lateranense, sub Innocent. 3. celebratum, prout referatur in c. *Vi Clericorum* 13. h. t. ut omnes Clerici, præsertim in sacris ordinibus constituti in Latina Ecclesia continentur, & castè vivant, (juxta delicti gravitatem puniendi, si contra hanc constitutionem deliquerint) neque monasteria Monialium sine manifesta & rationabili causa frequentare præsumant, prout prohibetur c. *Monasteria* 8. h. t. ad

Compend. v. v. b. g.

omnem scilicet intemperantis animi suspensionem præcavendam, sanctitati Clericorum maximè contrariam.

Secundò in eodem Concil. prout referatur in c. *A crapula* 14. h. t. etiam statuitur, ut omnes Clerici à crapula & ebrietate diligenter abstineant, neque alios ad bibendum incitent, aut se mutuo ad æquales haustus provocent, sub pœna suspensionis ab officio vel beneficio.

Tertiò vult Pontifex ab omni avaritia eos esse, quàm maximè, alienos; & hinc in c. *Cum ab omni* 10. h. t. non vult, ut Judices, delegati à Papa, salarium accipiant à partibus pro labore judicandi, (cùm ex suis beneficiis hi tales sufficientes sustentationi redditus habeant) præter esculenta quædam, & poculenta, liberaliter oblata, & modica, quæ inter paucos dies absumi possunt, c. *Statutum* 11. §. *Insuper de Rescriptis* in 6. & nisi, necessitate cogente, extra domicilium suum ad causam sibi commissam cognoscendam exire debeant, quo in casu expensas itineris, moderatas tamen petere possunt à partibus (cùm eorum beneficia non conferantur talibus cum annexa jurisdictione ordinaria ad taliter judicandum) vel si congruam sustentationem non habeant ex aliis redditibus Eccle-

ggg hactis,

clericalibus, quia *s. Cum ab omni*. de iudicibus delegatis, qui sufficiens sustentationi beneficium habent, loquitur.

Neque tamen hæc constitutio de Iudicibus tantum à Papa delegatis intelligi debet, sed etiam de ordinariis, tam Ecclesiasticis, quam sæcularibus, quibus ex beneficio suo, vel ex publico, sufficiens salarium numeratur, cum sententiæ venales utroque jure prohibita sint; quin etiam Iudices ab inferioribus ordinariis, Episcopis v. g. delegati; spectato jure communi, à partibus pro ferenda sententia nullum salarium, munus, sportulas, aut xenia, &c. accipere possunt, cum ab ordinario delegante, cujus est ratione officii causas expedire, victualia & expensæ his delegatis solvendæ sint. Consulenda tamen in his, & observanda recepta consuetudo, juxta quam moderatum quid à partibus nonnunquam exigitur, quæ sæpissimè fundatur in defectu sufficientis salarii aliunde assignati.

Quartò, plura alia ad mores & honestatem vitæ Clericalis conducentia in variis hujus Tituli capitulis statuta sunt, quæ utiliter legi possunt, & utilius observantur.

§. II.

De habitu, & vestitu Clericorum.

Quod Clerici in sacris ordinibus constituti, & beneficiati, etiam si minoribus tantum initiati sint, præter coronam, sive tonsuram congruam in capite, vestem ordini Clericali convenientem deferre debeant, ob status decentiam, ex *c. Clerici* 11. *h. t. ex Clement. 2. eodem* & *ex Trident. sess. 14. c. 6. de ref. m.* patet; ex quibus juribus etiam

patet, non tantum varia genera vestimentorum, rubra v. g. vicia, linteæ, auro multo illusa, intertextæ, aut ornata, &c. prohibita illis esse, (nisi specialia privilegia, qualia Cardinales habent aliud permittant, aut necessitas ex parte sub pœna suspensionis à percipiendis fructuum Ecclesiasticorum, aut habilitatis ad Ecclesiasticum beneficium, aut amissionis privilegii fori, &c. sed etiam aliorum etiam gestationem (nisi ex officio dignitatis Ecclesiasticæ hoc illis committatur) & armorum delationem, nisi iusta causa pro sui defensione, in tantis talia licita faciat sæcularibus Clericis recepta consuetudo, quæ multa de prohibita, hodie licita facit.

§. III.

De negotijs, & exercitijs, quæ Clericis sunt prohibita.

Prohibetur quidem Clericis in genere, ut ne officia, commercia, & negotia sæcularia, maxime in hoc exercceant, in specie tamen *in c. Clerici* 15. *h. t.* prohibetur illis, ne mimi, histrionibus intendant; ne tabernaculis publicis adeant, nisi ob necessitate itinere constituti; ne aleis ludis, vel ejusmodi ludis intersint, quæ magis fortunam, quam arte & industria ludentium reguntur; ita ut gravem pœnam incurrant de jure, si in negotijs quantitate, aut cum publico lucro ludos tales frequentent, & in *c. Clerici* 14. *h. t.* prohibetur illis, ne in templis exhibeant ludos theatralis nature honestos, & scurriles, nullam rationem sine suffragante; præsertim etiam,